



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 859. Usque Ad Annum 887

Fleury, Claude

August. Vind. [u.a.], 1760

VD18 90117875

§. 17. Joannes Archiepiscopus Ravennas ad Officium compellitur.

[urn:nbn:de:hbz:466:1-66112](https://nbn-resolving.org/urn:nbn:de:hbz:466:1-66112)

claravit, nunquam se misisse Legatos, qui in Depositionem Ignatii, & Promotionem Photii consentirent, nec se ipsum unquam consensisse, nec in unum vel alterum consensurum.

Sæculum IX.
A. C. 861.

Ep. 13. p. 382

§. XVII.

Joannes Archiepiscopus Ravennas ad Officium compellitur.

Eodem anno octingentesimo sexagesimo primo Nicolaus Papa Romæ Concilium celebravit, in causa Joannis Archiepiscopi Ravennatis, quem permulti ex illa civitate apud ipsum accusaverant. Is, sæpe per literas admonitus, pejor fiebat; nam Romam proficisci volentes avertibat, alios viros innocentes excommunicabat, privatorum Bona sine legali Judicio occupabat, Ecclesiæ Romanæ prædia auferebat, suppressis titulis, & suæ tribuebat, Legatos Pontificios spernebat, Presbyteros & Diaconos non solum ex suis Clericis, sed etiam Sacræ Sedi subjectos, & in Provincia Æmiliانا residentes, sine Judicio Canonico deponebat, quosdam carceri & antris terrimis mancipabat. Idem alios ad confitendum datis literis crimina, quæ non admiserant, adigebat, a Summo Pontifice vocatus negabat, teneri se ad Synodum Romam pergere, & tandem chartas,

*Anast. in Nic.
p. 255.*

Sæculum IX. A.C. 861. tas, quibus Antecessores ejus fidem & obedientiam S. Sedi promiserant, in Tabulario Ecclesiæ suæ servatas, corrumperat.

Cum eum Papa ter suis literis vocatum, & venire contemnentem excommunicasset, Ticinum ad Ludovicum Imperatorem se contulit, obtinuitque, ut sibi concederentur Delegati, quibuscum tanto præsidio tumidus Romam pervenit. Pontifex Legatos benigne redarguit, quod cum viro excommunicato communicassent; iisque dolorem profertentibus, Joanni Archiepiscopo præcipit, ut prima Novembris in illa Synodo, in qua excommunicatus fuerat, se sisteret, & factorum suorum rationem redderet. Ipse vero Roma excessit. Tunc vero Æmilienses & Senatores urbis Ravennæ innumero populo comitante, ad vestigia Summi Præfulis inter lacrymas proccidentibus rogant, ut ipse non dedignaretur Ravennam proficisci, causam perspiceret, & eos ab oppressione liberaret. Ivit Pontifex; cujus adventum sibi non expectandum ratus Joannes rursus Ticinum ad Imperatorem convolavit, & interim Papa edito Decreto civibus Ravennæ, Æmiliæ, & Pentapolis, Bona Joanne Archiepiscopo & Gregorio ipsius fratre usurpata restituit.

Ticin

Ticini vero cives & Episcopus Luit-
hardus a Papa olim consecratus, cum
scirent, Archiepiscopum Ravennatem
fuisse excommunicatum, in domos suas
eum recipere noluerunt, nec pati, ut
hominibus ipse aliquid venundaretur,
vel solum colloquerentur. Atque etiam,
si quos in plateis incedentes conspice-
rent, clamabant: *En, homines excommu-
nicati! non licet nobis iis conjugi.* In-
terim Imperator Archiepiscopo præsi-
dium suum imploranti renunciari jubet:
*Vadat, & fastu deposito Pontificis volun-
tati se submittat, cui & nos (*) cum to-
ta Ecclesia subijcitur. Secus, quæ cu-
pit; non consequetur.* Nihilominus Im-
perator secundo permisit, ut eum Lega-
ti comitarentur, quibus, cum Romam
pervenissent, dixit Papa: *Si Imperator
hujus Archiepiscopi mores bene cognosce-
ret, non solum nollet ejus patrocinium
suscipere, sed eum etiam invitum nobis
castigandum mitteret.* Tum Papa con-
vocatis complurium provinciarum Epis-
copis Archiepiscopum venire jubet. Ille
ter vocatus, cernens se ab omnibus de-
stitutum, ad preces & lamenta conver-
sus

(*) Vox Imperatore Christiano digna! e-
jusmodi testimoniis quod opponant, Protestan-
tes nihil habent.

Sæculum IX. *sus dicebat: Rogate summum Præsulem*
 A. C. 861. *ut mei misereatur. Faciam, quæcum-*
que jusserit. Ergo Papa eum recipere sta-
 tuit; Archiepiscopus vero libellum suum
 in quo fidem & obedientiam temporis
 Ordinationis suæ non satis sincere pro-
 miserat, renovavit, & eum publice sub
 per Crucem & Evangelia jurans confite-
 ratur.

His ita peractis, cum altera die Pon-
 tifex ad Ecclesiam Lateranensem cum o-
 mnibus Episcopis Clericisque processis-
 set, Joannes Archiepiscopus de Hæresi
 cujus accusatus fuerat, se purgavit, &
 Papa ad Communionem receptus, licen-
 tiam quoque Missam celebrandi impe-
 travit. Sequenti die indulgit Pontifex
 ut in Concilio consideret. Ibi Episcopus
 Æmiliæ, quidam alii illius provinciæ in-
 colæ & cives Ravennates dato contra
 eum Libello de compluribus abusibus
 conquesti sunt, qui ut emendarentur, Pa-
 pa ex totius Concilii sententia manda-
 tum suo nomine ad Joannem Archiepis-
 copum directum conscribi jussit in hunc
 modum: *Præcipimus tibi, ut singulis an-*
nis Romam venias. Episcopos per Æ-
miliam () non consecres, nisi, post Ele-*
ctio-

(*) Æmilia, olim Regio Italiæ, partem Lon-
 gobardiæ cispadanæ, & Romandiolam comple-

tionem Ducis, Cleri, & populi, per Sæculum IX.
Epistolam Apostolicæ Sedis Præsulis ac- A. C. 861.
ceperis eos consecrandi licentiam. Ipsos
autem Episcopos, quotiescunque ad Apo-
stolicam Sedem accedere voluerint, ne-
quaquam prohibeas. Sed & nihil quod
SS. Canones non permittunt, aut quod
eorum privilegia violat, exiges. Nullo-
rum prædiorum possessionem invades, nisi
ea tibi in Judicio Canonico Ravennæ præ-
sente Papa, aut ipsius Legato, tuoque, ad-
scripta fuerint.

§. XVIII.

Epistolæ Papæ ad Michaellem & ad Photium.

Cum Nicolaus Papa Leoni Oratori
 Constantinopolitano significasset, sibi
 nullatenus probari, quæ contra Igna-
 tium & pro Photio acta essent, dimisit
 eum, traditis duabus Epistolis, una ad
 Photium, altera ad Imperatorem Mi-
 chaelem datis. In Epistola ad Photium,
 illum virum admodum prudentem ap-
 pellat, ut indicet, quod ipsum pro viro
 Laico habeat. Ad exempla vero, quæ
 Photius pro sua Ordinatione in amplis-
 sima Epistola attulerat, respondet in hunc
 modum: *Nectarius urgente necessitate*
 E 2 *electus*

*Nic. ep. 9.
p. 335.*

Nic. ep. 6.

etens, ab Arimino Placentiam usque protensa.
 Geogr.